

QUÆSTIO MEDICA.

*Quodlibetariis disputationibus manè discutienda in Scholis
Medicorum, die Jovis 4^a Februarii 1717.*

M. FRANCISCO PICOTE' DE BELESTRE,
Doctore Medico, Præside.

An amor ingenium mutat ?

I.

AMORIS & mundi idem esse initium sacri narrant Historici, prisce canunt Poetæ, assèrunt Philosophi, annuunt Grammatici, humana probat ratio : utriusque non finis, non fors eadem. In dies juvenescit amor, senescit deficitque mundus ; hoc senescente, fugit mortalibus optima quæque dies, tristior subit rerum facies, ruunt in pejus omnia : illo semper juvene ver floret æternum amantibus, quo nihil sit nisi lætum & amabile quidquam : hæc inter, quis nescit nec sentit quid sit amor, *is quidam mortuus* ? Quem non trahit vel invitum vis illa blandior, tam altè omni animantium generi insita ? Quem non urit mollis hæc flamma, imis incensa visceribus ? Ut ut sit, amor aptè definiri potest animæ commotio, orta à sanguinis spirituumque motibus, quibus aded illa concitatur, ut vehementer velit conjungi quibuscumque objectis quæ sibi grata & convenientia percipit ac intelligit.

I I.

AN I M Æ perceptiones cum sanguinis & spirituum agitatione conjunctæ, passiones vulgò dicuntur. Perceptiones non à corpore, non in corpore, sed in anima, cujus totidem commotiones dici possunt, imò & cogitationis species, ideòque spiritalis animæ actiones seu functiones; non tamen sine corporis commotione suscitata, quandiù illa, hoc includitur. Commotio, perceptionis occasio, non causa. Qualiscumque fuerit sanguinis, spirituumque motus qui mentis cogitationes sequitur, totus est in corpore, totus fit per corpus, non tamen sine mentis imperio; quod quale quale sit, habebitur motus occasio non causa. Perceptionis animæ, motusque corporis, vera solaque causa reputetur Lex illa ab omnipotente rerum Opifice tùm posita, cùm animam unà cum corpore conjunxit, ut videlicet quasdam animi cogitationes certi corporis motus, & vice versa, quosdam corporis motus certæ mentis perceptiones excipiant.

I I I.

CONSO CI A T A corpori anima sic ab ejus pendet organis, ut his benè aut malè dispositis, benè aut malè operetur: Istud equidem æterno & immutabili fœdere fancivit qui, animam corpori miscendo, discrepantes dissociabilesque adeò naturâ substantias concordi pace ligavit. Quò sanioribus, validioribusque corporis partibus, mobiliiores, puriores, uberioresque spiritus accesserint; eò vividiores vegetioresque futuræ sunt mentis perceptiones. Ista secundæ valetudinis bona ac præmia quis largietur meliùs quàm amor, sine quo mortalium vita vitalis non videtur? hujus quippè præsentia ac nutu, spiritibus in nervorum tubulos validiùs impulsis, simulque ad cor rapidiùs delatis, novum supervenit fluidis solidisque robur, venæ micant crebriùs, celerius fluit, refluitque sanguis, undique & ubique conterendus: Quid multa? expansis ampliùs cerebri meatibus, distinctiùs

dilucidiusque menti occurrant rerum species, rubet nitetque facies, ignescunt oculi, sic denique incallescunt omnia, ut crescat vigor in partibus illis quas pudor abscondit.

IV.

POST hæc dubitamus adhuc ex amore ingenium hominum immutarier? hic amabo, quærant hebetes quod amare velint, reperire laborent quod ament stolidi; vel si paucio tempore duret amor, hi emendatis ingenii vitiis sentient solertes sagacesque facti, quanta potentia nati est, Venus alma, tui? Amer truculentus homo, brevi hunc mollem & mansuetum dabit amor, non enim est *ἄλλος* *Θεὸς* *ἑυχαίριος* *ἦτο*; ament feroces, illicò ferocia ponent corda, volente Deo. Cautus timidusque amore abundet Antipho, audacior fiet potiturus; Omphalæ tristis servierit Hercules; latus Dejanires amoribus, cælum meruit radiantibus illatus astris. Quid verbis & exemplis opus est? si quidem, ut ait Comicus, amanti omnia ingenia sunt. Amorem tollant *μολύβδινος*? continuò concidit suavissimum virtutis & gloriæ incitamentum: pereunt vitæ illecebræ, perit dulcissima corporis mentisque voluptas. Nunquid homini malorum plurium autor est amor? ita sanè, sed si quem fortè læsit amor, profectò non amoris est culpa, sed amantis, qui amare nescivit; arte leves currus, arte regendus amor.

V.

COMITEM corporis animam, ipsius bonorum, malorumve expertem importunè clamant *οἱ ἐν τῇς ψυχῇ* *βλάττοντες*: animi motiones ex se nec bonæ nec malæ, si rectâ reguntur ratione, laudem merentur; si impotenti libidine, vituperium. Eas omnino amovere & rejicere, prorsus ignorare est earum usum & finem: illas ne dixeris perturbationes animorum, sed exercitationes, sine quibus animi miserè torpescerent & hebescerent. Ut labor corpus firmat, ignavia hebetat & frangit, sic passionες firmant animos, *ἀναιμία* minuit & debilitat. Inter primitivos animi affe-

Amor recensitus amor, veluti singulorum radix, omnes producere, fovere & nutrire videtur. Quis, fodes, animi affectus, qualiscumque ille sit, non mutet facile varium semper & mutabile hominum ingenium? Quæ invidia est, id tibi nunc denegare potentissime amor? qui nihil non mortalia pectora cogis, qui Deorum & hominum domas pectora, & regis consilia. His atque aliis argumentis fit, ut Apollinis responsum non magis sit verum, quam hæc conclusio.

Ergo amor ingenium mutat.

Domini Doctores disputaturi.

| | | |
|--|-----------------------------------|---|
| <i>M. Andreus de Lalen.</i> | <i>M. Antonius le Moine.</i> | <i>M. Joannes - Baptista Chomel, Medicus Regis ordinarius, & Regia scientiarum Academia Socius.</i> |
| <i>M. Joannes - Franciscus Giot.</i> | <i>M. Petrus - Antonius Lepy.</i> | <i>M. Andreus Crescé.</i> |
| <i>M. Franciscus - Antonius le Dran.</i> | <i>M. Elias Col de Vilars.</i> | <i>M. Armandus Joseph Collot.</i> |

Proponebat Parisiis LUDOVICUS - CLAUDIUS
BOURDELIN, Parisinus, Baccalaureus Medicus,
A. R. S. H. 1717, à sexta ad meridiem.

Typis JACOBI QUILLAU, Universitatis, & Facultatis Medicinæ
Typographi.